

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Ambrosii Mediolanensis Episcopi ordinatione. Cap. VI.

urn:nbn:de:hbz:466:1-12704

THEODOR. HISTOR.

præclaris instruxit legibus, exordiumque à verè pietatis prædicatione cepit. Nam cum Auxentius, Ecclesiæ Mediolanensis episcopus, labe Ariana infectus, & in multis cōciliis abdicatus, e vita exiuisset, Imperator iste, accersitis ad se episcopis, sic apud eos verba facit. Est vobis, vt pote sacris & diuinis literis institutis exploratè cognitum, quælis debeat esse is, qui sit ad episcopatum gerendum delectus: & quod necesse sit gregem suum non doctrina solum, verum etiam præclara viuendi ratione moderari, & se cuiusq; virtutis exemplar ei p̄xere, suæque disciplinæ rectam vietæ & morum institutionem testem habere. Quare hominē ita instructum in sede & gradu episcopali iam collocate, vti & nos, à quibus hoc gubernatur imperium, ei verè & ex animo capita inclinemus, & illius reprobationem (nam cum simus homines, errore labi necesse est) velut medicina animorum cupidè amplexemur.

De Ambrosii Mediolanensis Episcopi ordinazione.

CAP. VI.

Hac oratione ab Imperatore habita, Conciliū Episcoporum contendit ab eo, vti ipse, vt pote sapientia & pietatis insignibus præclare exornatus, episcopū deligit. At ille, maior est, inquit, hæc prouincia, quā quæ viribus nostris sustineri possit. Proinde vos diuina repleti gratia, & illius splendore illuminati, multò melius hoc episcopi diligendi negotiū transfigeris. Illi igitur egressi, separatim per se de eo deliberare cœperūt: ciuitatis autem habitatores inter ipsos dissidere, quorum alij hunc, illum alij deligere contendebant. Nam qui errore Auxentij erant imbuti, hi suæ opinionis fautoribus suffragati sunt: qui autem à partibus sanæ & sincerae doctrinæ stabant, illi rursus episcopum secum de fide consentientem habere laborarunt. Hac dissensione cognita, Ambrosius viris præfectus, veritus ne quid nouarum rerum molirentur, propere ad Ecclesiam contendit. Illi, seditione cōpresa, uno ore omnes postulant, vti Ambrosius, qui adhuc sacram baptismi mysterijs nō erat initiatus, ipsis designetur episcopus. Qua re audita, Imperator iubet illum egregium virum extemplo & initiari mysterijs, & episcopum ordinari. Nouerat enim mentem

mentem eius omni perpendiculo rectiore esse, & senten-
tiā eius quaque regula exquisitiores. Atque conjectura
ex consensu eorum, qui dissidentem sectabantur doctri-
nam, ducta suffragationem illam diuinitus factitatem arbit-
ratus est. Postea verò quām Ambrosius diuinum sacro-
sancti baptismatis munus adeptus erat, & gratiam episco-
palem receperat, dicitur Imperator longe præstantissimus
(nam rebus his gestis intererat) hymnum ad gratias serua-
tori ac domino agendas recitasse, his ferè verbis. Gratia sit
tibi, domine omnipotens, & seruator noster, quod cum ip-
se corpora huic viro commissem, tu etiam animas ei co-
mendasti: indequē declarasti meam iustam fuisse sententiā.
Paucis post diebus, cum Diuus Ambrosius valde liberè a-
pud Imperatorem verba faceret, resq; nonnullas tanquam
minus recte à magistratibus administratas coargueret, re-
spondit Imperator: noui iam pridem tuam in loquendo
libertatem. Quare sicut diuina præscribit lex nostrorum a-
nimorum erratis medicinā facito. Ista sunt ab Imperatore
& dicta Mediolani, & factitata. Porro autem cum accepis-
set quosdam in Asia, & Phrygia doctrinam fidei in contro-
uersiam vocasse, Concilium in Illyrico cogi mandat: at-
que res decretas stabilitasque ab episcopis, qui ibi in vnum
conuocati, fidem, Concilij Nicæni confirmauerant, ad eos,
qui de fide inter se contendebant, misit: scripsitque ad il-
los quoque literas: quarum fratrem suum participem fieri
voluit, eumque vti episcoporum decretis adhæresceret,
cohortatus est. Citabo quoque legem, quæ & pietatem
perspicuè ostendit Valentiani, & sanam itidem Valen-
tis de religione doctrinam, quam eo tempore amplecteban-
tur, manifesto declarat.

*Imperatoris Valentiniani, & Valentis de
consustantiali, ad Asianam Dio-
cæsim epistola.*

CAP. VII.

LL 4 Impera-